



Istituto Figlie di Maria Ausiliatrice  
Via dell'Ateneo Salesiano, 81 – 00139 Roma

Irmán doben sira,

Ha'u mai to'o imi atu fahe Papa Francisco nia apelu ba dame, ne'ebé nia lansa ba mundu durnate *Angelus* domingu 1 Setembru 2013, iha ne'ebé Santu Padre konvida Kreda atu sente bolun ba loron 7 Setembru atu moris loron ida orasaun nian, hadera an no hamulak nian ba dame.

Hodi foti fali Amu-Papa nia konvite, Prefeitu Kongregasaun ba Institutu sira Vida Konsagrada no Sosiedade Vida Apostólika nian, Kard. João Braz de Aviz, husu ba konsagradu/a hotu ne'ebé iha Roma atu bá Prasa S. Pedro husi oras 19 to'o 24 atu harohan ba dame, momentu forte no komunitáriu ne'ebé Papa Francisco hakarak tanba, hanesan nia rasik hateten, "*umanidade prezisa haree jestu dame nian no rona liafuan sira esperansa no dame nian*". Hodi halian Papa Francisco nia liafuan, Prefeitu husu ema konsagradu/a sira atu hakilar "*to'o ona ho funu*" uluknanai ho moris rasik, «hodi husu ba Maromak atu sai instrumentu justisa no dame nian iha-ne'ebé Nia tau ita. Maibé ita sente mós urjénsia atu harohan hamutuk ba Na'i dame nian atuba Síria no situasaun hotu ne'ebé konflitu manán "*kultura enkontru nian, kultura diálogo nian*"» (Card. João Braz de Aviz ba konsagradu sira, 3 Setembru 2013).

Ita-nia Aman doben mós, Reitor-Mor padre Pascual Chávez Villanueva, imediatamente halian Santu Padre nia pedidu, hodi lansa ba Familia Saleziana apelu ba 7 Setembru mai ne'e atu sai ida de;it iha orasaun ba dame no, se hela iha Roma, atu partisipa ba konvokasaun iha Prasa S. Pedro.

Ita lakohi limita an de'it ba momentu ofisiál ne'e, ne'ebé importante nafatin. Ita haka'as an, hanesan padre Pascual konvida, atu moris tempu ida edukasun nian ba dame iha eskola sira, iha oratóriu sura, iha kontestu edukativu seluk no, liuliu, atu oferese momentu ida sasin nian kona-ba dame liuhusi selebrasaun komunitária rekonsiliasun nian mós, hodi husu perdaun ba Maromak ba ita-nia divizaun sira no ita-nia konflitu sira, ki'ik no boot.

Nu'udar FMA ita sente maka'as interpelsaun atu harohan no oferese ba dame iha Médiu Oriente, ho modu partikulár ba Síria no Ejitu iha ne'ebé ita hela bá, no iha parte seluk mundu nian ne'ebé eziste violénsia.

Ita-nia comunidade sira nia prezensa iha nasaun sira-ne'e halo ita sai partikularmente solidáriu. Iha resonánsia boot ida orasaun nian ne'ebé hasa'e ba Maromak husi Institutu tomak atu husu dame. Ida-ne'e mak motivu ida konfortu no kbiit nian ba ita-nia irmán sira ne'ebé hela iha Síria no iha Ejitu.

Ha'u konvida comunidade hotu atu moris tempu intensu hamulak nian ida-ne'e ba Na'i liuhusi orasaun, hadera-an, sasin, komuñan ho Kreda no Família Saleziana tomak. Orasaun ne'ebé akompña ho karidade moris tuir ho modu radikál husi ita ida-idak laho esesaun. Harohan ba dame mak husu mós empenho ho jestu dame nian. Ha'u husu ba comunidade ida-idak atu moris jestu sira rekonsiliasun nian atu hatudu ho modu konkretu vontade atu kontribui atu harii mundu ida dame nian, konxiente katak prosesu ida-ne'e hahú iha ita-nia moris loroloron.

Ita-nia misaun rasik, moris hamutuk ho comunidade edukativa tomak, bele sai laboratóriu/konstrusaun ida edukasaun ba dame nian, ho momentu espesífiku ba reflexuan no orasaun mós atu bele simu nia nu'udar don no moris tuir nu'udar empeñu. Misaun edukativa fundamentalmente mak harii umanidade ida iha-ne'ebé dame sai dalan dezvoltamentu umanidade nian tuir Maromak nia Projetu.

Mai ita partisipa iha inisiativa sira Kreda lokál nian, hodi envolve comunidade edukativa sira no halo labarik sira harohan tanab sira mak rikusoin iha Maromak nia matan.

Ha'u sublliña, ba FMA sira no comunidade edukativa sira ne'ebé iha Roma, importánsia atu partisipa iha velada orasaun nian ho Papa Francisco iha Prasa S. Pedro iha loron 7 Setembru mai ne'e husi tuku 19.00 to'o tuku 24.00.

Ita sai ida de'it atu bele hetan soin boot dame nian. Ita hakbesik ba Maria, Liura-Feto dame nian, Inan moris no komuñan nian atu tulun ita harii mundu ida maun no biin –alin nian ne'ebé moris no habelar kultura ida dame nian.

Ha'u kumprimenta imi ho domin boot.

Roma, 4 Setembru 2013

Irmán Yvonne Reungoat fma  
*Superiora jerál*

NB: Ha'u husu provinsial sira atu haruka lalais mensajen ida-ne'e ba comunidade hotu.  
Bele hetan mós mensajen iha pajian web Institutu nian.

Allego anche il messaggio del Rettor Maggiore alla Famiglia salesiana.